

مبللة أم سماً نقيعاً ؟ ونسيت جميلة خليلاً وصمته وكذبه وخيانتة،  
واقتمر اهتمامها على حياتها . لو تستطيع أن تهرب من الدار لنجت .  
ولكن أين السبيل وهي محبوسة ؟  
« كتبت له الدور دا يا يلحقها يا ميلحقهاش .. لو ماتت مقتولة...  
يكون موتها علشانه . يبقى ما ينسهاش .. ويفتكر في تربتها ..  
آخر جواب كان بتاع النهارده . وأنا رايح المحطة الصبح فتحته  
وقريته ، كلمتين اتنين بس .  
« خليل .. الحظي » !

عمري ما شفت واحد يبطلع في الروح . ولا شفت ميت .  
الكلمتين دول نخلو جسمي يقشع .. تعرف الحروف لما يشخر  
ويرفص وقت ما يندبح .. والفرخة لما تيجرى ورقبتها مقصوفة ..  
كل ده مش حاجة جنب الكلمتين دول .. الجواب ده مسكته  
وقطعته .. الباقي اللي في الشنطة زى الرصد قدامي .. هماح يكونوا  
أهم من جواباتها اللي ضاعت طظ ! ينفلقوا أصحابهم ويروحوا  
في داهية إذا كانوا عاوزين .. جوابات سمجة سخيفة دمها بارد ..  
رحت نازل عليهم وهات ياتقطع .. تقولش ساعتها إني باقطع في  
هدوم واحد بخانقه .. بغل .. وبعدين ما حسنتي بنفسي .. دخت  
ورحت في دنيا غير الدنيا .. اللي غايظني ساعتها ان الدنيا دي حاجة  
سخيفة .. إتهبالى أنها طرشة . تفضل معها صرحت فيها ماشية زى العادة  
ما فيش حاجة تقلد توقفها .. ليه زى الطرشة ؟ علشان عمرها ما تبص